

رائعة عبد الرحمن يوسف " على رأسها بطحة ! "



الأربعاء 20 نوفمبر 2013 12:11 م

نافذة مصر

يا دولة من قبل الزمن والخريطة ...
ممنوعة ع العقليين ومقفولة على ولاد العيبط والعيبطه ...
يا قاهرة أولاد البلد وبتنهر بالشقر والبرنيطة ...
ياما اندهس فيكي الشريف في الزيطه ...
ياما اندهش فيكي الحكيم ورزغ دماغه من العجب في الحيطه ...
* * *

يا دولة يا قلة ...
محجوزة للنياشين وللشلة ...
ياللي لمانا مستغلة، ولعرقنا مستغلة ...
الشريف مرمي في كوخ
والمفتري عايش في فيلا ...!
يا دولة يا جبلة ...
يا مستغلة في وش أولادك
وقدام العدا محتلة ...
يا دولة لا بتعزق ولا بتزرع ولا بتروي وتلهف في المعاد الغلة ...
يا دولة ماسكة لشعبها ذلة ...
* * *

اكنها لقيته ...
لا هي طايبة إسلامية أو شيوعية أو شرقية أو غربية أو ملكية أو ثورية ...!
واكنها تكيته ...
المحترم فيها مالوش دية ...!
مين اللي جاب الفقر من ستين سنة غيرك؟
مين اللي كرشه حاينفجر م الهبر من خيرك؟
مين اللي سمم ميثك في الترة وف زيرك؟
مين اللي بيطل طوابيرك ...
وبيعقر مؤاخيرك ...
يا دولة يا حشاشة لكن عاملة مكسوفة
باقول لك شدي من مناخيرك ...!
* * *

يا شعب ما اتدلس في أفكاره ولكن ذلته اللقمة ...!
يا شعب صابر كالجمل وفي نكتته حكمة ...!
وبتشتكي جوعك وغيرك يشتكي التخمة ...!
وإن قلت ليه أشحت واجوع؟
حيصدولك كرش لابس عمه ...
وشه العكر يشبه دخول عمه ...
علشان يقول لك بالنيابة عن إلهك ترضى بالقسمه ...!

وإن ربك خذ قرار ينسانا في الزحمة ...
ويكون نصيبنا من الوطن حبة فتات والشيخ نصيبه اللحمه ...
مع إن ربك وزع الأرزاق ووزع قبل منها الرحمة ...!
ونغني في القوال على لحنه ...
مكتوب علينا نخاف من الباشا الفكيك ونغلي من شأنه ...
ونقدس الجاهل عشان طوّل لنا دقته ...
يا منتهى الآمال ...
خكسر الأغلل ...
يا دولة مرعوبة من الأطفال ...!

* * *

يا دولة من حكامها منكوبه
وراكباناً ومركوبه
يا دولة أمانا الغولته يا كركوبه يا مخروبته
يا دولة ملك المفترى ...
يا دولة يا مين يشتري ...
يا دولة فول نابت على سد الحنك على جمبري ...
تقدر تعارض ربنا وتشتم جميع الأنبياء فيها وتبقى عبقرى ...
لكن يا ويل ويك إذا عارضت حته عسكري ...!
يا اللى انت في عرض الطريق متسابه ...
يا مغلوبه يا غلابه
يا منهوبه يا نهابه
يا سبويه يا سبابه
رافع فيكى سبابه
وخشيت بدموع عيني
يا مطوبه لبن طازه يربي كلاب على دبابه ...
يا معيوبه وعيابه ...
يا كامله في عيون اللى بيكرهنا وجدابه ...
ونأفضه في عيون ناسك وغذازه وقلابه ...
يا صادق في الوعيد دايماً وساعة الوعد كذابه ...
يا دولة تفرد العضلات على السنات بدبابه ...!

* * *

يا دولة يا مجبورة يا مضطرة ...
لا فالحة لا ف كورة ولا في الذرة ...
عمرك ما تفتكرينا في الحلوة
وتعلمي مجرعانا العرة ...
يا شاطرة في التعذيب وفي التعقيم ...
ولا يوم فلحتي في صحة أو تعليم ...
يا دولة ماشية بالودع والغش والتنجيم ...
ياللى الذكي فيكى يروح للأجنبي
وكأنه شرط إن اللى راكب عرشها يبقى قفا وبهيم ...!
يا دولة من أولادها منبوذة ...
تدي تملي للابس الخوذة ...
عمرك ما تفتكرينا في الحلوة ...
وبرضه بتلاقينا في العوزة ...!
ساکتة وبتعلم ...
ولا راضية من أخطائها تتعلم ...
ولا راضية مع أوجاعنا تتألم ...
تضرب ولا تسلم ...
كرباجها نسر ومخلبه على زهرنا معلم ...!

* * *

يا دولة منبوذة على الفاضي ...
عايشة على التاريخ والماضي ...
الكل فيها بيتشرى ويتباع
من الباشا إلى الفراش
وم الوالى إلى الكناس
وم الرئيس إلى الأراجوز
وم المحضر إلى القاضي ...
والدولة ممكن تبقى خدامة لقاتل شعبها لو لون مبادنها بقى رمادي ...
والدولة تتحول لشرشوحة لو شعبها راضي ...
والدولة ممكن تقتل الإنسان ...

وتحوّله حيوانٌ ...
وتبيع كمان مستقبل الأوطانُ ...
الدولة ممكن تفرض العيبة على الناس اللي بتحاول تعيش مستورة في بيتها ...
والدولة ممكن تقتل الطيبة اللي مزروعه في تربتها ...
يا دولة جبارة علينا تملّي تفرض مجدها ...
مش لاقية حد يلمها ويردها ...
مع إن محناش قدها ...
لا حنرضى يوم نبقى عبيد عند اللي شغال عندها ...
ولا نرضى حد من الطمع للمهلكة يشد البشر ويشدها ...!
ولا نرضى حد يهدّها ...!
يا دولة مجبولة على ميلها ...
متفككة م السرقة صواميلها ...
واللعب من راسها ومن ديلها ...
طول عمرنا راضيين بقليلها ...
وتذلنا وان تشتكي نشيلها ...
أحلف بأولادها اللي ناكراهم ومووايلها ...
بالرغم من كل اللي فيها وكل عمايلها ...
الثورة راح تعدل وتعدها ...
* * *

آخر كلامي أوعى تسألني دي دولة مين؟
القصة واضحة ...
والدولة دولة مرجلة، أو لابسة طرحة ...!
آخر كلامي أوعى تسألني بتقصد مين؟
دولة عدوة نفسها وخيبتها فاضحة ...
دولة غيبة وعاملة ناصحة ...
آخر كلامي مش مهم الدولة مين ...
الدولة عارفة نفسها إكمنها على راسها بطحة ...!